

四庫全書

經部

欽定四庫全書

經部

日講春秋解義卷五十八

詳校官監察御史

臣莫瞻菴

給事中

臣

溫常綬覆勘

覆校官中書

臣田尹衡

校對官中書

臣袁文邵

謄錄監生

臣歐陽愛

欽定四庫全書

日講春秋解義卷五十七

定公

公名宋襄公庶子昭公弟諡法安民大慮曰定

周

敬王十一年

鄭

獻公五年魯定公九年獻公卒子聲公勝立

齊

景公三十九年

宋

景公八年

晉

定公三年晉魏舒為政是年卒范鞅為政魯定公十三年晉逐范中行氏趙鞅歸于晉自是晉知氏韓氏

魏氏趙氏竝强
分晉之勢成矣

衛

靈公二
十六年

蔡

昭侯
十年

曹

隱公元年魯定公四年聲公弟露弑隱公
代立是為靖公定八年靖公卒子伯陽立

滕

頃公
五年

陳

惠公二十一年魯定公四年惠公卒子
懷公柳立定八年懷公卒子閔公越立

杞

悼公九年魯定公四年悼公卒子隱公乞立
是年七月隱公弟過弑隱公自立是為禧公

薛

襄公二年魯定公十二年襄公卒子比
立定十三年比弑惠公夷立又名寅

莒

公郊

邾

莊公三十三年魯定公三年
莊公卒子隱公益立

許

許男斯十四年魯定公六年
鄭滅許以斯歸弟元公成立

小邾

詳見昭
公元年

楚

昭王七年魯定公四年吳入楚楚令
尹子常奔鄭昭王復國子西為令尹

秦

哀公二十八年魯定公九年
哀公卒孫惠公立

吳

闔廬六年魯定公四年吳入楚於越入吳定十
四年於越敗吳于檣李闔廬傷而卒子夫差立

越

越子允常魯定公四年越入吳定十四年允常卒子
句踐立吳闔廬聞允常死率師伐越句踐襲敗吳于

携李射
殺閩廬

欽定四庫全書

日講春秋解義卷五十七

定公

名宋襄公之子昭公之弟以敬王十一年即位諡法安民大慮曰定

元年春王

公羊傳

定何以無正月正月者正即位也

本有有正月者正諸侯之

即位定無正月者即位後也

即位後故不書正月

即位何以

後昭公在外得入不得入未可知也曷為未可知在

季氏也定哀多微辭主人習其讀而問其傳

讀謂經傳謂訓

詰則未知己之有罪焉爾

此假設言之主人謂定哀也設使定哀習其經問其

傳解詰則不知己之有罪於是此孔子畏時君上以諱尊隆恩下以辟害容身慎之至也

穀梁傳

不言正月定無正也定之無正何也昭公之終

非正終也定之始非正始也昭無正終故定無正始
不言即位喪在外也

定公未即位先書元年春者追書之也書王不書正月者昭公卒於外嗣子為賊臣所廢定公未立意如
自以為君頒朔於廟故春秋黜之書王明王法以治

之也不書正月著國無主而正朔無所承且見定公
受國季氏不得正其始也或謂無事不書非也隱
莊元年皆事在三月定元年亦事在三月然隱莊
皆書正月則定公不書正月之為無正始可知矣

三月晉人執宋仲幾于京師

大夫專執
于是始

左傳

元年春王正月辛巳晉魏舒合諸侯之大夫于狄

泉將以城成周魏子蒞政

蒞臨也代天子
大夫為政

衛彪傒曰將

建天子

立天子
之居

而易位以令非義也大事奸義必有

大咎晉不失諸侯魏子其不免乎是行也魏獻子屬

役于韓簡子及原壽過

原壽過周大夫

而田于大陸焚焉

大陸

杜注禹貢大陸在鉅鹿北嫌絕遠疑此田在汲郡吳澤荒蕪之地火田并見燒也爾雅廣平曰陸按吳澤

陂在今河南修武縣北一名太白陂還卒于甯

甯杜注修武縣近吳澤孔氏穎達曰甯即修武

城也今故城在縣治西

范獻子去其柏椁以其未復命而田也

范獻子代魏子為政去其柏椁示貶之

孟懿子會城成周

不書公未即位

庚

寅哉

裁設板築

宋仲幾不受功曰滕薛鄭吾役也

欲使三國代宋

受薛宰曰宋為無道絕我小國于周以我適楚故我

常從宋晉文公為踐土之盟曰凡我同盟各復舊職

若從踐土若從宋亦唯命仲幾曰踐土固然

固曰從舊薛舊

為宋役

薛宰曰薛之皇祖奚仲居薛以為夏車正

奚仲為夏

禹掌車服大夫

奚仲遷于邳仲虺居薛以為湯左相

仲虺奚仲之後

若復舊職將承王官何故以役諸侯仲幾曰三代各

異物薛焉得有舊

言居周世不得以夏殷為舊

為宋役亦其職也

士彌牟曰晉之從政者新

言范獻子新為政未習故事

子姑受功

歸吾視諸故府

求故事

仲幾曰縱子忘之山川鬼神其

忘諸乎士伯怒謂韓簡子曰薛徵于人典籍故事人所知也宋

徵于鬼

取證于鬼神

宋罪大矣且已無辭而抑我以神誣

我也啟寵納侮

書說命篇語謂開寵過分則納受侵侮

其此之謂矣必

以仲幾為戮乃執仲幾以歸三月歸諸京師

知以歸不可故

復歸之京師

城三旬而畢乃歸諸侯之戍齊高張後不從

諸侯

後期不及諸侯之役

晉女叔寬曰周襄弘齊高張皆將不

免襄叔違天高子違人

天既厭周德襄弘欲遷都以其詐故曰違天諸侯相率

以崇天子而高子後期故曰違人

天之所壞不可支也衆之所為不

可奸也

為哀三年周人殺莒弘六年高張來奔張本

公羊傳

仲幾之罪何不莒城也

若今以草衣城是也禮諸侯為天子治城各有

分丈尺宋仲幾不治所主

其言于京師何

據城言成周執不地

伯討也

明以天子

事執

伯討則其稱人何貶曷為貶不與大夫專執也

曷為不與實與而文不與文曷為不與大夫之義不得專執也

穀梁傳

此其大夫其曰人何也微之也何為微之不正

其執人于尊者之所也不與大夫之伯討也

春秋之義諸侯不得專執況大夫乎宋仲幾會城
成周而不受功義所當討然在尊者之側請命而
執歸於司寇可也既不請命又不歸於王以陪臣
而擅執人於天子之側無王甚矣故不以城為王
事而畧晉大夫之罪

夏六月癸亥公之喪至自乾侯戊辰公即位

左傳

夏叔孫成子逆公之喪于乾侯

成子叔孫
姑之子

季孫曰

子家子亟言于我未嘗不中吾志也吾欲與之從政

子必止之且聽命焉

衆事皆諮問子家子

子家子不見叔孫易

幾而哭

幾哭會也不欲見叔孫故朝夕哭不同會

叔孫請見子家子子家

子辭曰羈未得見而從君以出

出時成子未為卿

君不命而

薨羈不敢見

言未受昭公之命託辭以拒叔孫

叔孫使告之曰公衍

公為實使羣臣不得事君

二子始謀逐季氏

若公子宋主社

稷則羣臣之願也

宋昭公弟定公

凡從君出而可以入者將

唯子是聽子家氏未有後季孫願與子從政此皆季

孫之願也使不敢以告

不敢叔孫成子名

對曰若立君則有

卿士大夫與守龜在羈弗敢知若從君者則貌而出

者入可也

貌出謂以義從公與季氏無實怨

寇而出者行可也

謂與季氏

為寇
讎者

若羈也則君知其出也而未知其入也羈將逃

也喪及壞墮公子宋先入從公者皆自壞墮反出六

月癸亥公之喪至自乾侯戊辰公即位

諸侯薨五日而殯殯則嗣

子即位癸亥昭公喪至五日殯于宮定公乃即位

公羊傳

癸亥公之喪至自乾侯則曷為以戊辰之日然

後即位正棺于兩楹之間然後即位

正棺者象既小斂夷于堂昭公

死于外不得以君臣禮治其喪故示盡始死之禮禮
始死于北牖下浴于中雷飯舍于牖下小斂于戶內
夷于兩楹之間諸侯三日小斂夷子沈子曰定君乎
而經殯而成服故戊辰然後即位

國定昭公之喪禮于國

然後即位即位不日此何以日錄乎內

也內事詳錄

穀梁傳

殯然後即位也

周人殯于西階之上

定無正見無以正也

踰年不言即位是有故公也

謂昭公在外故

言即位是無故

公也即位授受之道也

先君見授後君乃受故須棺在殯乃言即位

先君

無正終則後君無正始也先君有正終則後君有正

始也戊辰公即位謹之也定之即位不可不察也公

即位何以日也戊辰之日然後即位也癸亥公之喪

至自乾侯何為戊辰之日然後即位也正君乎國然

後即位也

諸侯五日而殯今以君始死之禮治之故頻殯而後言即位

沈子曰正

棺乎兩楹之間然後即位也

兩楹之間君聽治之處

內之大事

日即位君之大事也其不日何也以年決者不以日

決也此則其日何也著之也何著焉踰年即位厲也

厲危也公喪在外踰年六月乃得即位危故日之

于厲之中又有義焉

先君未殯

則後君不
得即位

未殯雖有天子之命猶不敢況臨諸臣乎

周人有喪魯人有喪周人弔魯人不弔周人曰固吾
臣也使人可也魯人曰吾君也親之者也使大夫則
不可也故周人弔魯人不弔以其下成康為未久也
尚明君至尊也去父之殯而往弔猶不敢況未殯而
臨諸臣乎

昭公薨至是閱七月而喪始至而定之即位乃在
是月之戊辰蓋遲速進退為意如所制不得專也

凡即位皆於朔日故不書日定公待昭公喪至即位不以時故書日

秋七月癸巳葬我君昭公

左傳季孫使役如闕公氏將溝焉

闕魯羣公墓所在季孫惡昭公欲溝絕其

兆域不使與先君同公氏猶言公之墓宅

榮駕鸞曰生不能事死又離之

以自旌也

駕鸞魯大夫榮成伯旌章也

縱子忍之後必或恥之乃

止季孫問于榮駕鸞曰吾欲為君諡使子孫知之為

惡

諡對曰生弗能事死又惡之以自信也將焉用之乃

止秋七月癸巳葬昭公于墓道南孔子之為司寇也

在定公十年後溝而合諸墓

明臣無貶君之義

昭公薨逾半載始以喪歸歸甫踰月而遽葬見季氏肆逆無禮於先君而魯之臣子黨惡而不能正也

九月大雩

穀梁傳雩月雩之正也秋大雩非正也冬大雩非正也

秋大雩雩之為非正何也

冬禾稼既成猶雩則非禮可知秋禾稼始苗嫌當須

雨故毛澤未盡人力未竭未可以雩也

凡地之所生謂之毛言秋

百穀之潤澤未盡也人力未竭謂耕耘之功未畢雩月雩之正也月之為雩

之正何也其時窮人力盡然後雩雩之正也何謂其時窮人力盡是月不雨則無及矣是年不乂則無食矣是謂其時窮人力盡也雩之必待其時窮人力盡何也雩者為旱求者也求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請乎應上公古之神

人有應上公者通乎陰陽君親帥諸大夫道之而以

請焉

具禱辭曰方今大旱野無生稼寡人當死百姓何謗不敢煩民請命願撫萬民以身塞無狀

夫請者非可詒託而往也

詒託猶假寄

必親之者也是以

重之

凡書大皆譏其僭此則昭公喪未踰年而用盛樂

以雩變尤甚矣

立煬宮

左傳昭公出故季平子禱于煬公九月立煬宮

平子逐君懼而

請禱于煬公昭公死于外
自以為獲福故立其宮

公羊傳

煬宮者何煬公之宮也

春秋前煬公也

立者何立者不

宜立也立煬宮非禮也

穀梁傳

立者不宜立者也

煬公考公弟也魯之以弟繼兄蓋始於此意如舍
適嗣不立而立定公定公乃昭公之弟恐人議已
於是而立煬宮其意若謂魯一生一及其由來舊
矣今定公以弟而繼昭公亦猶煬公之以弟而繼

考公也夫宮廟即遠有毀而無立今逞私踰典以立久祧之宮誣妄已甚書立者不宜立也

附錄左傳

周鞏簡公棄其子弟而好用遠人

蘭公周卿士遠人異族也

為明年鞏氏賊簡公張本

冬十月隕霜殺菽

隕公羊作實

公羊傳

何以書記異也此災菽也曷為以異書異大乎

災也

異者非常而可怪周十月夏八月微霜用事未可殺菽而殺故曰異

穀染傳

未可以殺而殺舉重

舉殺豆則殺革可知

可殺而不殺舉

輕

不殺菽則不殺菽亦顯傷三
十三年實霜不殺草是也

其曰菽舉重也

周十月今八月也月令九月霜始降八月陰氣未
盛非隕霜之候而至於殺菽異矣菽耐霜之穀蒸
物之難殺者言殺菽則餘物可知故穀梁子曰舉
重

二年春王正月

附錄
左傳

二年夏四月辛酉羣氏之羣子弟賊簡公

夏五月壬辰雉門及兩觀災

公羊傳

其言雉門及兩觀災何兩觀微也

雉門兩觀皆天子之制門

為其主觀為其飾故微也

然則曷為不言雉門災及兩觀主災者

兩觀也

時災從兩觀起

時災者兩觀則曷為後言之不以微

及大也何以書記災也

穀梁傳

其不曰雉門災及兩觀何也災自兩觀始也不

以尊者親災也

尊謂雉門親近也

先言雉門尊尊也

言及雉門與兩觀俱災也桓宮僖宮災不言及者

二廟分明故不必言此不言及則嫌於雉門之兩

觀獨災耳

秋楚人伐吳

左桐叛楚

桐杜注小國廬江舒縣西南有桐鄉今江南桐城縣北有古桐城與廬江縣接界

吳子使舒鳩氏誘楚人

舒鳩杜注舒屬國

曰以師臨我

教舒鳩誘

楚使以師臨吳

我伐桐為我使之無忌

吳伐桐也偽若畏楚師之臨已而為伐其

叛國以取媚者欲使楚不忌吳所謂多方以誤之

秋楚囊瓦伐吳師于豫章

從舒鳩言

吳人見舟于豫章

偽將為楚伐桐

而潛師于巢

實欲以擊楚

冬十月吳軍楚師于豫章敗之

楚不忌吳故

遂圍巢克之

獲楚公子繁

繁守巢大夫

附錄

左傳邾莊公與夷射姑飲酒私出

射姑邾大夫出辟酒闔乞肉

焉奪之杖以敲之

為明年邾子卒傳

冬十月新作雉門及兩觀

公羊傳

其言新作之何修大也修舊不書此何以書譏

何譏爾不務乎公室也

不務如公室之禮

穀梁傳

言新有舊也作為也有加其度也此不正其以

尊者親之何也

不正謂更擴大之不合法度也雖不據當諱而以雉門親新作之下

正也于美猶可也

災惡故尊雉門推災而遠之今新作美好之事雖尊雉門可以親之

雉門公宮南門之中門也按明堂位天子五門皋庫雉應路魯有庫雉路三門庫門制似天子皋門雉門制似天子應門天子外闕兩觀諸侯外闕一觀魯設兩觀僭也既災則不當更作今復為之其制度無損故書新作譏其僭而不能革也南門亦書新作者彼以本有而改作之其高大過常非故制也延廢言新不言作者因舊而葺之非去舊復

為者比言各有當也

三年春王正月公如晉至河乃復

意如逐君客死於外皆晉大夫為之羽翼其交甚親今公立往朝而晉復辭公者蓋意如之謀不使公得見晉侯所以操縱其君使之一切聽已也

二月辛卯邾子穿卒

二月公羊穀梁作三月

左傳三年春二月辛卯邾子在門臺

門上臺有臺

臨廷閣以鉞

水沃廷邾子望見之怒闔曰夷射姑旋焉

旋小

命執

之見其不潔
執射姑

弗得滋怒自投于牀廢于鑪炭廢墮爛也

遂卒先葬以車五乘殉五人

欲藏中之潔故先內車及殉別為便房蓋其遺

命莊公卞急而好潔故及是

卞躁疾也

夏四月

秋葬邾莊公

附錄左傳秋九月鮮虞人敗晉師于平中

平中杜注晉地獲晉觀

虎恃其勇也

為五年士鞅圖鮮虞張本

冬仲孫何忌及邾子盟于拔

拔公羊穀梁作拔杜注地闕

左冬盟于邾

邾杜注即拔也

修邾好也

公即位故修好

魯大夫而盟諸侯邾喪未期而出會盟蓋交失之

附錄左傳

蔡昭侯為兩佩與兩裘以如楚

佩佩玉也

獻一佩一

裘于昭王昭王服之以享蔡侯蔡侯亦服其一子常

欲之弗與三年止之唐成公如楚有兩肅爽馬

成公唐惠

侯之後肅爽駿馬名

子常欲之弗與亦三年止之唐人或相與

謀請代先從者許之飲先從者酒醉之竊馬而獻之

子常子常歸唐侯自拘于司敗

竊馬者自拘

曰君以弄馬

之故隱君身

隱憂約也

棄國家羣臣請相夫人以償馬必

如之

相助也夫人謂養馬者

唐侯曰寡人之過也二三子無辱

皆賞之蔡人聞之固請而獻佩于子常子常朝見蔡

侯之徒命有司曰蔡君之久也官不共也

言楚所以禮遣蔡侯

之物不共備故

明日禮不畢

遣蔡侯之禮

將死蔡侯歸及漢執玉

而沈曰余所有濟漢而南者有若大川

自擔不復與楚

蔡侯

如晉以其子元與其大夫之子為質焉而請伐楚

明為

年會召陵張本

四年春王二月癸巳陳侯吳卒

三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏

于召陵侵楚

晉楚交兵止此

左傳四年春三月劉文公合諸侯于召陵謀伐楚也

文公

王官伯也晉人假王命以討楚之久留蔡侯故曰文公合諸侯

晉荀寅求貨于蔡侯

弗得言于范獻子曰國家方危諸侯方貳將以襲敵

不亦難乎水潦方降疾瘧方起中山不服

中山鮮虞棄盟

取怨

晉楚同盟于宋

無損于楚而失中山不如辭蔡侯吾自

方城以來楚未可以得志

晉敗楚侵方城在襄十六年

祇取勤焉

乃辭蔡侯晉人假羽旄于鄭鄭人與之

析羽為旌王者遊車之所

建鄭私有之因謂之羽旄借觀之

明日或旆以會

或賤者繼旆曰旆令賤人旆其旆執

以從會示卑鄭

晉于是乎失諸侯

傳言晉無禮所以遂弱

是時晉楚皆衰其大夫用事而貪於賄相類也諸

侯兩貳而楚求無厭陵蔑與國故蔡人發憤請師

於晉晉於是大合諸侯陳許頓胡素役於楚者皆

同心而北嚮天子之老涖焉其勢可有為而六卿
懼君勝楚以歸而奪之權故乞賂以離蔡假旄以
卑鄭用散諸侯之師以隳其君之功而固其私至
以十八國之衆潛掠楚境無功而還春秋據實而
書以深罪晉君之失政謀國者之不忠也而晉自
是亦不能國矣

夏四月庚辰蔡公孫姓帥師滅沈以沈子嘉歸殺之

姓公

羊作歸
姓後同

左傳 沈人不會于召陵晉人使蔡伐之夏蔡滅沈

書滅沈於會召陵之後盟臯鼬之前著侵楚無功而釋憾於微弱之沈徒以重楚人之怒耳蔡之視沈猶楚視蔡也楚實病已乃以所惡者加之沈覆其國而戕其君不義甚矣故書殺以正其罪

五月公及諸侯盟于臯鼬

臯鼬公羊作浩油杜注繁昌縣東南有城臯亭在今河南

臨潁縣界

左傳 將會衛子行敬子言于靈公曰

子行敬子衛大夫

會同難

難得宜

嘖有煩言莫之治也

嘖至也煩言忿爭

其使祝佗從

祝佗

大祝子魚

公曰善乃使子魚子魚辭曰臣展四體以率舊

職猶懼不給而煩刑書若又共二

共二職

徼大罪也且

夫祝社稷之常隸也社稷不動祝不出竟官之制也

社稷動謂國遭

君以軍行祓社釁鼓

師出先有事祓禱于社謂之宜社于是殺牲以

血塗鼓聲為釁鼓

祝奉以從

奉社主也

于是乎出竟若嘉好之事

謂朝會

君行師從卿行旅從臣無事焉公曰行也及臯

鼬將

將長蔡于衛

敬令蔡先衛敵

衛侯使祝佗私于襄弘曰

聞諸道路不知信否若聞蔡將先衛信乎萇弘曰信
蔡叔康叔之兄也先衛不亦可乎子魚曰以先王觀
之則尚德也昔武王克商成王定之選建明德以藩

屏周故周公相王室以尹天下

尹正也

于周為睦

德以盛見

親分魯公以大路大旂

魯公伯禽也

大路金路錫同

姓以厚

夏后氏之璜

璜美玉名

封父之繁弱

封父杜注古諸侯也今河南封

丘縣治西北有封父亭繁弱大弓名

殷民六族條氏徐氏蕭氏索氏長

勺氏尾勺氏使帥其宗氏輯其分族將其類醜

醜衆也

以法則周公用即命于周

即就也

是使之職事于魯以

昭周公之明德分之土田陪敦

陪增也敦厚也土地增厚凡七百里祝

宗卜史

大祝宗人大卜大史凡四官

備物典策

典策春秋之制

官司彝器

官司百官也彝器常用器

因商奄之民

商奄東方之國今屬魯

命以伯禽而

封于少皞之虛

伯禽策命篇名如君陳君牙類也少皞虛杜注曲阜也在魯城內

分

康叔以大路少帛績蒺旃旌

少帛雜帛也績蒺大赤取染草名也通帛為旃

析羽為旌大呂鐘

殷民七族陶氏施氏繁氏錡氏樊氏饑

氏終葵氏封畛土略自武父以南及圃田之北竟

畛塗

所徑也略界也武父杜注取于有閭之土以共王職

衛北界國田杜注鄭戴名取于相土之東都以會王之東苑

有閭杜注衛所受朝宿邑蓋近京畿取于相土之東都以會王之東苑

為湯沐邑王東巡守以助祭泰山 聃季授土 聃季周公弟司空 陶叔授民 陶叔

徒命以康誥而封于殷虛 康誥周書殷虛朝歌也 皆啟以商政

疆以周索 皆魯衛也啟開也居殷故地因其風俗 分

唐叔以大路密須之鼓 密須杜闕鞏名 沽洗 鐘懷姓

九宗職官五正 懷姓唐之餘民九宗一姓為九族職 官五正殷時五官居在唐地世為貴

族以賜唐叔使主領命以唐誥而封于夏虛 唐誥誥 命篇名

夏虛杜注大夏
大原晉陽也

啟以夏政

亦因夏風俗
開用其政

疆以戎索

大原

近戎而寒不與中
國同故自以戎法

三者皆叔也而有令德故昭之以

分物不然文武成康之伯猶多而不獲是分也唯不

尚年也管蔡啟商甚閒王室

甚毒也謂
以殷叛

王于是乎殺

管叔而蔡蔡叔

蔡放
也

以車七乘徒七十人

與蔡叔車
徒而放之

其子蔡仲改行帥德周公舉之以為已卿士

為周
公臣見

諸王而命之以蔡

命為
蔡侯

其命書云王曰胡

胡蔡
仲名

無若

爾考之違王命也若之何其使蔡先衛也武王之母

第八人周公為大宰康叔為司寇聃季為司空五叔

無官豈尚年哉

五叔管叔鮮蔡叔度成叔武霍叔處毛叔聃也

曹文之昭也

文王子與周公異母

晉武之穆也

武王子

曹為伯甸非尚年也

伯以

爵居甸服言小

今將尚之是反先王也晉文公為踐土之盟

衛成公不在夷叔其母弟也猶先蔡

踐土召陵二會經書蔡在衛上

霸主以國大小之序也子魚所言盟敵之次

其載書云王若曰晉重公魯

申僖武叔蔡甲午

莊侯鄭捷公

齊潘

昭公

宋王臣

成公

莒

期

茲丕公也齊序鄭下周之宗盟異姓為後

藏在周府可覆視也吾子欲

復文武之略

略道也

而不正其德將如之何長弘說告

劉子與范獻子謀之乃長衛侯于盟反自召陵鄭子

大叔未至而卒晉趙簡子為之臨甚哀曰黃父之會

在昭二十五年

夫子語我九言曰無始亂

無為禍首

無怙富無恃

寵無違同無教禮無驕能

以能驕人

無復怒

復重也

無謀非

德

非所謀也

無犯非義

傳言簡子能用善言所以遂興

穀梁

後而再會公志于後會也後志疑也

公畏強楚疑于侵之

故後者

更謀也

春秋之例王官與會而不與盟則書諸侯盟如葵
丘之盟是也會盟皆與則不書諸侯如柯陵雞澤
平丘之盟是也此言諸侯則劉子不盟可知矣公
後至不與會而與盟則復稱公會諸侯盟如盟于
薄盟于扈是也此年公與於召陵之會則非後矣
會與盟公皆與而劉子不與則但當書諸侯盟于
皋鼬如祝柯重丘會盟殊地之例而又書公及者
所以著公受國於意如因如晉見却而汲汲求為

此盟也

杞伯成卒于會

成公羊作戊

不言卒于師者以不成乎伐楚也

六月葬陳惠公

此見陳侯背殯出會也君在殯則辭會可也

許遷于容城

容城杜注闕

許四遷皆受楚令悉以自遷為文許所欲也容城

蓋析之近地

秋七月公至自會

不致侵楚無功也故以會告廟

劉卷卒

公羊傳劉卷者何天子之大夫也外大夫不卒此何以

卒我主之也

穀梁傳此不卒而卒者賢之也襄內諸侯也非列土諸

侯此何以卒也天王崩為諸侯主也

昭二十二年景王崩當以賓主

之禮相接故書其卒

畿內諸侯不同列國故不言劉子卷卒先儒謂劉子定內難有大功於王室特書其卒葬然單旗之功與劉子同而不書卒尹氏擅權亦書卒則其義不可通矣蓋召陵之會劉子與焉會罷而卒故來赴於魯而魯史書之耳

葬杞悼公

楚人圍蔡

左傳 春秋楚為沈故圍蔡

晉士鞅衛孔圉帥師伐鮮虞

圉公羊
作圖

晉伐楚則利在諸侯伐鮮虞則利在六卿故楚圍
蔡不救而中山是伐比事書之而晉卿保利營私
不恤國事之惡著矣

葬劉文公

公羊
傳

外大夫不書葬此何以書錄我主也

以主我
恩錄之

尹氏王子虎皆不書葬此書葬以魯特往會也

冬十有一月庚午蔡侯以吳子及楚人戰于柏舉楚師

敗績楚囊瓦出奔鄭

柏舉公羊作伯莒穀梁作伯舉杜注楚地當在今湖廣麻城縣境吳

始書子

左傳伍員為吳行人以謀楚楚之殺卻宛也

在昭二十七年伯

氏之族出

郤宛黨

伯州犂之孫嚭為吳大宰以謀楚楚

自昭王即位無歲不有吳師蔡侯因之以其子乾與

其大夫之子為質于吳冬蔡侯吳子唐侯伐楚

唐侯不書

兵屬于吳蔡

舍舟于淮汭

吳乘舟從淮來過蔡而舍之

自豫章與楚夾

漢

豫章杜注漢東江北地名

左司馬戌謂子常曰子汭漢而與之

上下

沿緣也緣漢工下通使勿渡

我悉方城外以毀其舟還塞大

隧直轅冥阨

大隧直轅冥阨地理通釋即義陽之黃現武陽平靖三關也黃現平靖俱在今

河南信陽州南武陽在州東南

子濟漢而伐之我自後擊之必大敗

之既謀而行武城黑謂子常曰

黑楚武城大夫

吳用木也我

用革也

器用軍

不可久也不如速戰史皇謂子常楚人

惡子而好司馬

史皇楚大夫司馬沈尹戌

若司馬毀吳舟于淮塞

城口而入

城口三隘道之總名

是獨克吳也子必速戰不然不

免乃濟漢而陳自小別至于大別

小別山名在今湖廣漢川縣北一名

甌山大別亦山名在今湖廣漢陽縣東北一名魯山三戰子常知不可知吳不勝

欲奔史皇曰安求其事難而逃之將何所入子必死

之初罪必盡說言致死以克吳可以免貪賄致寇之罪十一月庚午二

師陳于柏舉二師吳闔廬之弟夫槩王晨請于闔廬

曰楚瓦不仁瓦子常名其臣莫有死志先伐之其卒必奔

而後大師繼之必克弗許夫槩王曰所謂臣義而行不待命者其此之謂也今日我死楚可入也以其屬五千先擊子常之卒子常之卒奔楚師亂吳師大敗

之子常奔鄭史皇以其乘廣死

以戰死

公羊傳

吳何以稱子夷狄也而憂中國其憂中國奈何

伍子胥父誅乎楚挾弓而去楚以干闔廬闔廬曰士之甚

士賢

勇之甚將為之興師而復讎于楚伍子胥

復曰諸侯不為匹夫興師且臣聞之事君猶事父也
虧君之義復父之讎臣不為也于是止蔡昭公朝乎
楚有美裘焉囊瓦求之昭公不與為是拘昭公于南
郢數年然後歸之于其歸焉用事乎河曰天下諸侯

苟有能伐楚者寡人請為之前列楚人聞之怒為是
興師使囊瓦將而伐蔡蔡請救于吳伍子胥復曰蔡
非有罪也楚人為無道君如有憂中國之心則若時
可矣于是興師而救蔡曰事君猶事父也此其為可
以復讎奈何曰父不受誅不受誅罪不當誅也子復讎可也父
受誅子復讎推刃之道也一往一來復讎不除害不
兼讎具子恐復朋友相衛而不相迫迫先也不先擊
害已而殺之
思古之道也

穀梁傳

吳其稱子何也以蔡侯之以之舉其貴者也

謂

也子蔡侯之以之則其舉貴者何也吳信中國而攘夷

狄吳進矣其信中國而攘夷狄奈何子胥父誅于楚

也

子胥父伍奢也為楚平王所殺

挾弓持矢而干闔廬闔廬曰大之

甚勇之甚為是欲興師而伐楚子胥諫曰臣聞之君不為匹夫興師且事君猶事父也虧君之義復父之

讎臣弗為也于是止蔡昭公朝于楚有美裘正是日

囊瓦求之昭公不與為是拘昭公于南郢

南郢數年楚郢

然後得歸歸乃用事乎漢

用事者禱漢水神

曰苟諸侯有欲

伐楚者寡人請為前列焉楚人聞之而怒為是興師而伐蔡蔡請救于吳子胥曰蔡非有罪楚無道也君若有憂中國之心則若此時可矣為是興師而伐楚何以不言救也救大也

師能左右之曰以曰蔡侯以吳子者蓋謀出於蔡而吳為之用也荆楚橫暴蔡尤被毒蓋嘗衷之為縣誘般而殺之用世子有出蔡侯朱又拘吳於南

郢數年而後歸今復興師圍其國陵暴極矣晉不足恃故蔡侯不得已而乞師於吳吳子為之大敗楚師囊瓦奔鄭春秋據事直書而蔡人累世之仇賴吳以復晉失其政不足以宗諸侯舉可見矣吳子親行君重於師故不得不書爵傳以為進之非也諸侯積忿於楚吳能敗之故舊史喜其事而稱爵或未可知以為孔子特起褒進之文則於通經之義皆不可通矣

庚辰具入郢

郢公羊穀
梁作楚

左吳從楚師及清發

清發杜注水名水經注潁水南
逕石岩山北亦謂之清水在今

湖廣安陸縣
西石門山下

將擊之夫槩王曰困獸猶鬪況人乎若

知不免而致死必敗我若使先濟者知免後者慕之

蔑有鬪心矣半濟而後可擊也從之又敗之楚人為

食吳人及之奔食而從之敗諸雍澁

雍澁今湖廣京
山縣西南有三

澁水雍澁
其一也

五戰及郢已卯楚子取其妹季芊畀我以

出

世族譜季芊畀我皆平王女服
虔云畀我季芊之字未知孰是

涉睢

睢杜注水出
新城昌魏縣

東南至枝江縣入江今湖廣當陽縣北有沮水相傳即楚昭王西涉處

鍼尹固與王同

舟王使執燧象以奔吳師

燒火燧繫象尾使赴吳師驚却之

庚辰吳

入郢以班處宮

以尊卑班次處楚王宮室

子山處令尹之宮

子山吳王

子夫槩王欲攻之懼而去之夫槩王入之

言吳無禮所以不能

克左司馬戌及息而還

息杜注汝南新息也聞楚敗故還

敗吳師于

雍澁傷初司馬臣闔廬

常在吳為闔廬臣

故恥為禽焉謂其

臣曰誰能免吾首吳句卑曰臣賤可乎司馬曰我實

失子可哉

失不知子賢

三戰皆傷曰吾不可用也已句卑

布裳剄而裹之

司馬已死剄取其首

藏其身而以其首免

傳言司馬

之忠壯

楚子涉睢濟江入于雲中

雲中杜注雲夢澤中所謂江南之夢蓋雲

夢一澤跨江南北

王寢盜攻之以戈擊王王孫由于以背受

之中肩王奔鄖鍾建負季平以從

鍾建楚大夫

由于徐蘇

而從

以背受戈故當時悶絕

鄖公辛之弟懷將弑王曰平王殺

吾父我殺其子不亦可乎

平蔓成然之子闔辛也昭十四年楚平王殺成然

辛曰君討臣誰敢讎之君命天也若死天命將誰讎

詩曰柔亦不茹剛亦不吐不侮矜寡不畏強禦唯仁

者能之

詩大雅言仲山甫不辟強陵弱

違強陵弱非勇也乘人之約

非仁也滅宗廢祀非孝也

弑君罪應滅宗

動無令名非知也

必犯是余將殺女鬪辛與其弟巢以王奔隨吳人從

之謂隨人曰周之子孫在漢川者楚實盡之天誘其

衷致罰于楚而君又竄之

竄匿也

周室何罪君若顧報

周室施及寡人以獎天衷君之惠也漢陽之田君實

有之楚子在公宮之北

隨公宮也

吳人在其南子期似王

子期昭王兄公子結

逃王而已為王曰以我與之王必免隨人

卜與之不吉乃辭吳曰以隨之辟小而密邇于楚楚

實存之世有盟誓至于今未改若難而棄之何以事

君執事之患不唯一人

楚一人王

若鳩楚竟敢不聽命吳

人乃退鑪金初宦于子期氏實與隨人要言

要言無以楚王

與吳并欲脫子期

王使見辭曰不敢以約為利王割子期之

心以與隨人盟

當心前割取血以盟示其至心

初伍員與申包胥友

包胥楚大夫

其亡也謂申包胥曰我必復楚國

復報也

申包

胥曰勉之子能復之我必能興之及昭王在隨申包

胥如秦乞師曰吳為封豕長蛇以荐食上國

荐數也

虐

始于楚寡君失守社稷越在草莽使下臣告急曰夷

德無厭若鄰于君疆場之患也

吳有楚則與秦鄰

逮吳之未

定君其取分焉

與吳共分楚地

若楚之遂亡君之土也若以

君靈撫之世以事君秦伯使辭焉曰寡人聞命矣子

姑就館將圖而告對曰寡君越在草莽未獲所伏

猶伏

也處下臣何敢即安立依于庭牆而哭日夜不絕聲勺

飲不入口七日秦哀公為之賦無衣

詩秦風取其王于興師修我戈

矛與子同仇與子
偕作與子偕行

九頓首而坐

無衣三章
章三頓首

秦師乃出

為明年包胥以

秦師至張本

公羊

傳 吳何以不稱子反夷狄也其反夷狄奈何君舍

于君室大夫舍于大夫室蓋妻楚王之母也

穀梁

傳 日入易無楚也易無楚者壞宗廟徙陳器撻平

王之墓何以不言滅也欲存楚也其欲存楚奈何昭
王之軍敗而逃父老送之曰寡人不肖亡先君之邑
父老反矣何憂無君寡人且用此入海矣父老曰有

君如此其賢也以衆不如吳以必死不如楚相與擊

之一夜而三敗吳人復立

楚復立也

何以謂之吳也狄之

也何謂狄之也君居其君之寢而妻其君之妻大夫
居其大夫之寢而妻其大夫之妻蓋有欲妻楚王之
母者不正乘敗人之績而深為利居人之國故反其
狄道也

郢楚都書入郢見楚之大國都猶不能守也凡書
入者皆破其國都也楚地數千里若書入楚則不

足以見破其國都之實矣吳不稱子從其恒稱穀
梁以為不正其乘人之敗而深為利則諸入國者
皆然何獨貶於吳乎

日講春秋解義卷五十七

欽定四庫全書

日講春秋解義卷五十八

定公

五年春王三月辛亥朔日有食之

三月公羊作正月

附錄左傳

五年春王人殺子朝于楚

因楚亂也終閔馬父之言

夏歸粟于蔡

左傳

夏歸粟于蔡以周亟矜無資

亟急也

公羊傳

孰歸之諸侯歸之曷為不言諸侯歸之離至不

可得而序故言我也

穀梁傳 諸侯無粟諸侯相歸粟正也孰歸之諸侯也不

言歸之者專辭也

若獨主于魯

義過也

言過近之事不足具列諸侯

春秋貴義不貴惠蔡為楚困而不能救今見楚敗
吳勝乃歸蔡粟徒為吳而已無救災之實也二傳
以為諸侯歸之經畧不序蓋魯與諸侯皆以晉命
歸粟書魯事則可包諸侯與城楚丘戌陳同義

於越入吳

左傳越入吳吳在楚也

公羊傳於越者何越者何於越者未能以其名通也

不能

與中國通故從其俗稱曰於越越者能以其名通也

能與中國通則以中國之辭稱

越之曰

於越者其自稱者也越者中國稱之者也考之經
入吳敗吳皆越人來告故書於越吳伐越則吳來
告也故止書越

六月丙申季孫意如卒

左傳

六月季平子行東野

東野杜注李氏邑

還未至丙申卒于

房

房蓋近費之地

陽虎將以璵璠斂

璵璠美玉君所佩

仲梁懷弗與

懷亦季氏家臣

曰改步改玉

步謂行也玉藻云君行接武大夫繼武又云公侯佩山玄玉大

夫佩水蒼玉是君臣步玉不同

陽虎欲逐之告公山不狃不狃曰彼

為君也子何怨焉

不狃季氏臣費宰子洩也為君不欲使僭

既葬桓子行

東野

桓子意如子季孫斯

及費子洩為費宰逆勞于郊桓子敬

之勞仲梁懷仲梁懷弗敬

懷時從桓子行輕慢子洩

子洩怒謂陽

虎子行之乎

行逐懷也為下陽虎囚桓子起

內大夫有罪而身不見討則春秋不書其卒公子
翬是也意如卒何以書見定公忘大義而念私勞
使逐君之賊生安其位卒用卿禮也

秋七月壬子叔孫不敢卒

附錄左傳

申包胥以秦師至秦子蒲子虎帥車五百乘以

救楚

五百乘三萬七千五百人

子蒲曰吾未知吳道

言未知制使吳之法術

楚人先與吳人戰而自稷會之大敗夫槩王于沂

稷沂

杜注皆楚地當在河南桐柏縣境

吳人獲蘧射于柏舉

蘧射楚大夫

其子

帥奔徒以從子西敗吳師于軍祥

軍祥杜注楚地當在今湖廣隨州西

南秋七月子期子蒲滅唐

從吳伐楚故

九月夫槩王歸自

立也

自立為吳王號夫槩

以與王戰而敗奔楚為堂谿氏

傳終言之

吳師敗楚師于雍澨秦師又敗吳師吳師居麇

麇杜注地

名今湖廣巴陵縣東有麇城

子期將焚之子西曰父兄親暴骨焉

不能收又焚之不可

前年楚與吳戰多死麇中言不可并焚

子期曰國

亡矣死者若有知也可以歆舊祀

言焚吳復楚則祭祀不廢

豈憚

焚之焚之而又戰吳師敗又戰于公壻之谿

公壻之谿杜注

楚地名

吳師大敗吳子乃歸囚閼與罷閼與罷請先遂

逃歸

與罷楚大夫請先至吳而逃歸言吳惟得楚一大夫復失之所以不克

葉公諸梁

之弟后臧從其母于吳不待而歸

諸梁司馬沈尹戌之子葉公子高也

吳入楚獲后臧之母楚定臧棄母而歸

葉公終不正視

不義

乙亥陽

虎囚季桓子及公父文伯

文伯季桓子從父昆弟也

而逐仲梁懷

冬十月丁亥殺公何藐

藐季氏族

己丑盟桓子于稷門之

內

稷門魯南城門

庚寅大誚逐公父歟及秦遄皆奔齊

歟即文伯

也秦遄平子姑壻也傳言季氏之亂

楚子入于郢

吳師已歸

初闚辛聞吳

人之爭宮也曰吾聞之不讓則不和不可以遠

征吳爭于楚必有亂有亂則必歸焉能定楚王之奔

隨也將涉于成臼

成臼杜注江夏竟陵縣有臼水出聊屈山西南入漢今湖廣漢川縣

有臼子河西南與漢水合即臼水也

藍尹亶涉其帑

亶楚大夫

不與王舟及

寧王欲殺之子西曰子常唯思舊怨以敗君何效焉

王曰善使復其所吾以志前惡

惡過也

王賞闕辛王孫

由于王孫圉鍾建闕巢申包胥王孫賈宋木闕懷

九子

皆從王有大功者

子西曰請舍懷也

以初謀弑王也

王曰大德滅小

怨道也

終從其兄免王
大難是大德

申包胥曰吾為君也非為身

也君既定矣又何求且吾尤子旗其又為諸

子旗蔓
成然也

以有德于平王求欲無厭
平王殺之在昭十四年

遂逃賞王將嫁季芊季芊

辭曰所以為女子遠丈夫也鍾建負我矣以妻鍾建

以為樂尹

司樂
大夫

王之在隨也子西為王輿服以保路

國于脾洩

失王恐國人潰散故偽為王車服立國脾
洩以保安道路人脾洩杜注楚邑當在今

湖廣荆
州府境

聞王所在而後從王王使由于城麋

于麋
築城復

命子西問高厚焉弗知子西曰不能如辭

言自知不
能當辭勿

行城不知高厚小大何知對曰固辭不能子使余也
人各有能有不能王遇盜于雲中余受其戈其所猶
在袒而示之背曰此余所能也脾洩之事余亦弗能
也傳言昭王所以復國有賢臣也

冬晉士鞅帥師圍鮮虞

左傳

晉士鞅圍鮮虞報觀虎之役也

三年鮮虞獲晉觀虎

鮮虞近晉晉彊家實利其土以培私封屢伐不克
故復圍之

六年春王正月癸亥鄭游速帥師滅許以許男斯歸

速公

羊作邀

後同

左傳六年春鄭滅許因楚敗也

鄭虐於許久矣許依楚抗鄭至於四遷今吳入郢
許無所援鄭遂滅之哀元年以後許復見者楚禍
既定復建許也自隱十一年鄭入許而齊鄭之黨
合天下遂無王至是鄭滅許而齊鄭之黨又合天
下遂無霸蓋晉楚俱弱勢復一變而春秋以終矣

二月公侵鄭

左傳二月公侵鄭取匡為晉討鄭之伐胥靡也胥靡社注周地

周僭翩因鄭人以作亂鄭為之伐胥靡故晉使魯討之匡杜注鄭地取匡不書歸之晉往不假

道于衛及還陽虎使季孟自南門入出自東門陽虎將逐

三桓使得舍于豚澤衛侯怒使彌子瑕追之彌子瑕衛嬖大

夫公叔文子老矣文子公叔發輦而如公曰尤人而效之

非禮也昭公之難君將以文之舒鼎衛文公之鼎成之昭

兆寶龜定之輦鑑輦帶而以鏡為飾也苟可以納之擇用一焉公

子與二三臣之子諸侯苟憂之將以為之質

為質求納魯昭

公此羣臣之所聞也令將以小忿蒙舊德無乃不可

乎大姒之子

大姒文王妃

唯周公康叔為相睦也而效小

人以棄之不亦誣乎天將多陽虎之罪以斃之君姑

待之若何乃止

止不伐魯師

自宣十八年公伐杞後魯無君將者八十年至是

陪臣執國以三桓專兵為口實欲竊兵權故託公

以出師耳當是時晉霸既失諸侯皆離令不能行

故討鄭之師雖出晉命實陽虎主其謀欲徼禍鄰國危魯師以逞其欲故書侵以志其挾私啓釁非有輔霸討亂之實也

公至自侵鄭

夏季孫斯仲孫何忌如晉

左傳

夏季桓子如晉獻鄭俘也

獻此春秋取匡之俘

陽虎強使孟

懿子往報夫人之幣晉人兼享之

賤魯故不復兩設禮

孟孫立

于房外謂范獻子曰陽虎若不能居魯而息肩于晉

所不以為中軍司馬者有如先君

稱先君以徵其言若欲使晉必厚待

之獻子曰寡君有官將使其人

擇得其人

鞅何知焉獻子

謂簡子曰魯人患陽虎矣孟孫知其釁以為必適晉

故強為之請以取入焉

欲令晉人聞虎當逃走故強設請託之辭因此言以入晉

令晉素知之

春秋書內卿竝使者二遂得臣如齊見仲遂邪謀

之始此年斯何忌如晉見陽虎專權二卿為其所

脅行止惟命他日為亂之端兆也然不介晉權亂

未敢發故因如晉變文書介副以著其禍之所自

起耳

附錄左傳

四月己丑吳太子終累敗楚舟師

終累闔廬子夫差兄獲

潘子臣小唯子

二子楚舟師之帥

及大夫七人楚國大惕懼

亡子期又以陵師敗于繁揚

陵師陸軍

令尹子西喜曰乃

今可為矣

言知懼而後可治

于是乎遷郢于都而改紀其政

以定楚國

傳言楚賴子西以安

周儋翩率王子朝之徒因鄭

人將以作亂于周

儋翩子朝餘黨

鄭于是乎伐馮滑胥靡負

秦狐人闕外

鄭伐周六邑在魯伐鄭取匡前于此見者為戍周起也負秦杜注陽城縣西南

有負秦亭令河南登封縣負秦聚一名黃城是也狐人後漢志潁陰縣有狐宗鄉古狐人亭也在今河南臨潁縣闕外即伊闕外之邑

六月晉閻沒戍周且城

胥靡

為下天王出居姑猶起

秋晉人執宋行人樂祁犂

左傳秋八月宋樂祁言于景公曰諸侯唯我事晉令使

不往晉其憾矣樂祁告其宰陳寅

以與公言告之

陳寅曰必

使子往他日公謂樂祁曰唯寡人說子之言子必往

陳寅曰子立後而行

寅知晉政多門往必有難故使樂祁立後而往

吾室亦

不亡唯君亦以我為知難而行也見溷而行

溷樂祁子也見

于君立以為後

趙簡子逆而飲之酒于縣上獻楊楯六十于

簡子

楊木名

陳寅曰昔吾主范氏令子主趙氏又有納

焉以楊楯賈禍弗可為也已

知范氏必怨將得禍

然子死晉國

子孫必得志于宋

以其為國死

范獻子言于晉侯曰以君

命越疆而使未致使而私飲酒不敬二君不可不討

也乃執樂祁

晉自八卿擅權上下相陵傾軋之謀已非一日今
范鞅為政而趙鞅主宋樂祁此欲奪執政之權非
為一宋行人爭得失也范鞅知之故必執樂祁以
伐其謀各逞私圖不顧國體亂政亟行內外相競
而晉之禍遂不可止自是三家之勢成矣

冬城中城

穀梁傳

城中城者三家張也

三家侈張故公懼而修內城

或曰非外

民也

是時政在三家公室無民豈能役衆修城以備外
患蓋陽虎欲去三桓故託懼齊鄭而城中城將挾
公以自固耳

季孫斯仲孫忌帥師圍鄆

公羊傳此仲孫何忌也曷為謂之仲孫忌譏二名二名

非禮也

昭公二十五年齊侯取鄆以居公三十年鄆潰遂
貳於齊至是陽虎謀傾季氏脅使圍鄆以搆齊而

絕其外援明年國夏來伐連歲兵爭蓋始於此仲

孫忌不言何闕文

附錄左傳

陽虎又盟公及三桓于周社盟國人于亳社詛

于五父之衢

為八年陽虎作亂起

冬十二月天王處于姑蕸

姑蕸杜注周地

辟儋翩之亂也

為明年單劉逆王張本

七年春王正月

附錄左傳

七年春二月周儋翩入于儀栗以叛

儀栗杜注周邑

齊人歸鄆陽關陽虎居之以為政

鄆陽關杜注皆魯邑中貳于齊齊今

歸之不書者
為虎所專也

夏四月

附錄

夏四月單武公劉桓公敗尹氏于窮谷

尹氏復黨僭翩

共為亂也武公穆公子桓公文公子

秋齊侯鄭伯盟于鹹

諸侯始復持盟鹹杜注衛地

左傳秋齊侯鄭伯盟于鹹徵會于衛

齊鄭之盟叛晉也霸統絕諸侯散特盟復起自齊

桓以來未之有也於是再見諸侯無齊盟矣是故

于石門志諸侯之合也于鹹志諸侯之散也

齊人執衛行人北宮結以侵衛

穀梁傳

以重辭也衛人重北宮結

齊以衛重結故執以侵之

齊侯衛侯盟于沙

沙公羊作沙澤杜注陽平元城縣東南有沙亭在今直隸元城縣東

左傳衛侯欲叛晉諸大夫不可使北宮結如齊而私于

齊侯曰執結以侵我

欲以齊師懼諸大夫

齊侯從之乃盟于瑣

瑣杜注即沙也晉地道記元城縣有瑣陽城為明年沙佗拔衛侯手張本

齊每視晉為彊弱晉彊則同諸侯以附晉晉弱則

合諸侯以自彊而魯衛鄭又視齊晉之彊弱以為
向背者也至是晉既益衰楚復新敗吳越之勢未
及北方齊遂乘間糾合既盟鄭復劫衛自此以後
齊衛合黨次五氏次垂葭次渠蔭至哀元年遂伐
晉而天下之變益紛矣

大雩

齊國夏帥師伐我西鄙

傳左齊國夏伐我

齊叛晉故

陽虎御季桓子公斂處父御孟

懿子

處父孟氏家臣成宰公欲陽

將宵軍齊師齊師聞之墮伏而

待之

墮毀其車以誘敵而設伏兵

處父曰虎不圖禍而必死苦夷

曰虎陷二子于難

苦夷季氏家臣二子季孟

不待有司余必殺女

虎懼乃還不敗

傳言陪臣強能自相制季孟不敢有心

諸侯惟魯事晉齊叛晉與鄭盟故為鄭伐且報鄭

之圍也

九月大雩

經書雩祭二十有一惟昭二十五年及是秋再書

雩志災甚且言瀆也

冬十月

附錄左傳

冬十一月戊午單子劉子逆王于慶氏

慶氏守姑猶大

夫

晉籍秦送王已巳王入于王城

己巳十二月五日有日無月

館

于公族黨氏

黨氏周大夫

而後朝于莊宮

莊王廟

八年春王正月公侵齊

左傳

八年春王正月公侵齊

報前年伐我西鄙

門于陽州士皆

坐列

言無闕志

曰顏高之弓六鈞

高魯人三十斤為鈞六鈞百八十斤古稱重故

以為異強皆取而傳觀之陽州人出顏高奪人弱弓籍丘

子鉏擊之

子鉏齊人

與一人俱斃

斃仆也

偃且射子鉏中頰

殪

子鉏死

顏息射人中眉

顏息魯人

退曰我無勇吾志其目

也

以自矜

師退冉猛偽傷足而先

猛魯人欲先歸

其兄會乃呼

曰猛也

殿

會見師退而猛不在列乃大呼詐言猛在後殿傳言魯無軍政

報國夏之伐也是時三家專魯陽虎用事實使公

將欲歸怨於公也

公至自侵齊

附錄左傳

二月己丑單子伐穀城劉子伐儀栗

討僭嗣之黨穀城杜

注在河南縣西北有古城

辛卯單子伐簡城劉子伐孟以

定王室

簡城孟皆周邑今河南河內縣西北有邲臺鎮古孟國也傳終王室之亂

趙鞅

言于晉侯曰諸侯唯宋事晉好逆其使猶懼不至今

又執之是絕諸侯也將歸樂祁士鞅曰三年止之

執祁

在六年

無故而歸之宋必叛晉獻子私謂子梁曰

獻子范鞅

子梁樂祁

寡君懼不得事宋君是以止子子姑使溷代子

溷樂祁子

子梁以告陳寅陳寅曰宋將叛晉是棄溷也不

如待之

留待勿以子自代

樂祁歸卒于大行

大行杜注晉東南山

士鞅

曰宋必叛不如止其尸以求成焉乃止諸州

州杜注晉地為

明年宋公使樂大心如晉張本

二月公侵齊

左傳公侵齊攻廩丘之邾主人焚衝

衝戰車

或濡馬褐以

救之

馬褐馬衣

遂毀之

毀邾

主人出師奔

攻邾人少故遣後師走往助之

陽

虎偽不見冉猛者曰猛在此必敗

陽州之役猛先歸言若在此必復敗

猛逐之

逐廩丘人

顧而無繼偽顛虎曰盡客氣也

言非勇

苦越生子

苦越苦夷

將待事而名之陽州之役獲焉名之

曰陽州

欲比僑如

三月公至自侵齊

穀梁傳

公如往時致月危致也往月致時危往也往月

致月惡之也

曹伯露卒

夏齊國夏帥師伐我西鄙

左傳

夏齊國夏高張伐我西鄙

報上二侵

以公不與鹹沙之盟且報再侵也自圍鄆以後齊魯之兵六見然于齊稱伐于魯稱侵曲直彊弱可見矣

見矣

公會晉師于瓦

瓦杜注衛地東郡燕縣東北有瓦亭今直隸滑縣東南瓦岡集即其地也

左傳晉士鞅趙鞅荀寅救我公會晉師于瓦范獻子執

羔趙簡子中行文子皆執雁魯于是始尚羔

禮卿執羔大夫

執雁魯則卿大夫並執雁今見士鞅執羔始令卿執之記禮廢之久也

晉將救魯公親至瓦以逆會之比其至則齊師已

去救不及事故不書救士鞅不書辭當然也使書
會晉士鞅則似以他事會而不知晉以師來與救
之後期及齊師已退矣

公至自瓦

此特相會往來稱地之例也故不以會致

秋七月戊辰陳侯柳卒

晉士鞅帥師侵鄭遂侵衛

士公羊作趙

左傳晉師將盟衛侯于鄆澤

自瓦還就衛地盟

趙簡子曰羣臣

誰敢盟衛君者

前年衛叛晉屬齊簡子意欲推辱之

涉佗成何曰

二子晉大

夫我能盟之衛人請執牛耳

盟禮尊者涖牛耳衛侯與晉大夫盟自以當涖

牛耳故請成何曰衛吾溫原也焉得視諸侯將歆涉佗揆

衛侯之手及挽

揆擠也血至挽

衛侯怒王孫賈趨進曰

賈衛大夫

盟以信禮也

信猶明也

有如衛君其敢不唯禮是事而受

此盟也衛侯欲叛晉而患諸大夫王孫賈使次于郊

大夫問故

問不入之故

公以晉詬語之

詬恥也

且曰寡人辱

社稷其改卜嗣寡人從焉大夫曰是衛之禍豈君之

過也公曰又有患焉謂寡人必以而子與大夫之子
為質大夫曰苟有盆也公子則往羣臣之子敢不皆
負羈紲以從將行王孫賈曰苟衛國有難工商未嘗
不為患使皆行而後可

欲以激怒國人

公以告大夫乃皆將

行之行有日

有期日

公朝國人使賈問焉曰若衛叛晉

晉五伐我病何如矣皆曰五伐我猶可以能戰賈曰
然則如叛之病而後質焉何遲之有乃叛晉晉人請

改盟弗許

秋晉士鞅會成桓公侵鄭

桓公周卿士

圍蟲

牢報伊闕也

六年鄭伐周闕外晉為周報之

遂侵衛

討叛

鄭伯與齊為鹹之盟衛侯與齊為沙之盟二國皆為齊叛晉故兩侵之曰遂繼事也曰侵義不足以服人而力復不勝小有侵掠而遂返也

葬曹靖公

九月葬陳懷公

季孫斯仲孫何忌帥師侵衛

左傳九月師侵衛晉故也

為晉命無可聲之罪故書侵

冬衛侯鄭伯盟于曲濮

曲濮杜注衛地蓋濮水曲折之處在今山東濮州境

前年公侵鄭今年二卿侵衛皆為晉故而士鞅又

自帥師侵之故二國同為此盟以固其交而備晉

也

從祀先公

左傳季寤公鉏極公山不狃皆不得志于季氏

季寤季桓子之

弟公鉏極公彌曾孫桓子族子公山不狃費宰

叔孫輒無寵于叔孫氏

輒叔孫氏

之庶子

叔仲志不得志于魯

志叔仲帶之孫為國人所薄

故五人因

陽虎陽虎欲去三桓以季寤更季氏

代桓子

以叔孫輒

更叔孫氏

代武叔

已更孟氏

陽虎自代懿子

冬十月順祀先公

而祈焉

將作大事欲以順祀取媚

辛卯

十月二日

禘于僖公

不于大廟者順祀之

義當退僖公懼于僖神故于僖廟行順祀

公羊傳

從祀者何順祀也

復文公之逆祀

文公逆祀去者三人

諫不從而去之

定公順祀叛者五人

諫不以禮而去曰叛與去皆不書者微也

穀梁傳

貴復正也

文公逆祀今復正

從祀之說二傳及諸家皆以為正閔僖之位獨蜀人馮山以為昭公至是始得從祀於太廟而胡氏安國取之於當日事情為近蓋意如出君於外既薨七月不得以時歸葬葬又絕其兆域不得同於先君則其主久未得從昭穆祔祭宜矣至是意如已卒陽虎將殺季斯亂魯國欲著季氏之罪取說於衆以售其姦遂以昭公之主從祀太廟事雖順而情實逆故春秋特書從祀先公於盜竊寶玉大

弓之上以發後人之疑而考其實焉若文公逆祀則臧文仲所為非季氏之惡也但春秋每書宮廟必舉其謚又昭公葬已書謚疑已祔廟左氏傳曰順祀先公而祈焉蓋自遠及近徧祀魯之先公以祈神祐而請罪季氏也義亦可通

盜竊寶玉大弓

左傳壬辰將享季氏于蒲圃而殺之戒都車曰癸巳至都邑之兵車也陽虎欲以壬辰夜殺季孫明日癸巳以都車攻二家成宰公歛處父告

孟孫曰季氏戒都車何故孟孫曰吾弗聞處父曰然

則亂也必及于子先備諸與孟孫以壬辰為期

處父期以

兵救孟孫壬辰先癸巳一日

陽虎前驅林楚御桓子虞人以鉞盾

夾之陽越殿

越陽虎從弟

將如蒲圃桓子咋謂林楚曰

咋暫

也而先皆季氏之良也爾以是繼之

欲使楚免已于難以繼其先人

之良對曰臣聞命後

後晚也

陽虎為政魯國服焉違之徵

死死無益于主桓子曰何後之有而能以我適孟氏

乎對曰不敢愛死懼不免主桓子曰往也孟氏選圉

人之壯者三百人以為公期築室于門外

實以備難不欲使人

知故偽築室于門外因得聚衆公期孟氏支子

林楚怒馬及衢而騁陽越射

之不中築者闔門

季氏既得入乃閉門

有自門閒射陽越殺之

陽虎劫公與武叔以伐孟氏

武叔叔孫不救之子州仇也

公歛處

父帥成人自上東門入

魯東城之北門入救孟氏

與陽氏戰于南

門之內弗勝又戰于棘下

棘下杜注城內地名

陽氏敗陽虎說

甲如公宮取寶玉大弓以出舍于五父之衢寢而為

食其徒曰追其將至虎曰魯人聞余出喜于微死

微召

也陽虎召季氏于蒲圃將殺之
今得脫必喜故言喜于召死
何暇追余從者曰嘻

懼聲速駕公歛陽在公歛陽請追之孟孫弗許
畏陽虎陽

欲殺桓子

欲因亂討季氏以強孟氏

孟孫懼而歸之子言辨舍爵

于季氏之廟而出

子言季寤辨猶周徧也徧告廟飲酒示無懼

陽虎入于

謹陽關以叛

叛不書畧家臣

公羊傳

盜者孰謂謂陽虎也陽虎者曷為者也季氏之

宰也季氏之宰則微者也惡乎得國寶而竊之陽虎

專季氏季氏專魯國陽虎拘季孫孟氏與叔孫氏迭

而食之賊而侵其板曰

以指爪刻其鎖器之上飲藏衣物之板

某月某

日將殺我于蒲圃力能救我則于是

于是時

至于日若

時而出臨南者陽虎之出也

姊妹之子謂之出或曰從其家出而仕于公

御之于其乘焉

上車時

季孫謂臨南曰以季氏之世世

有子子可以不免我死乎

以義責之

臨南曰有力不足臣

何敢不勉陽越者陽虎之從弟也為右

為季氏車右實衛之

諸

陽之從者車數十乘至于孟衢

孟氏衢也四達可以橫去

臨南投

策而墜之

策馬捶也

陽越下取策臨南駟馬而由乎孟氏

捶馬
銜走

陽虎從而射之矢著于莊門

莊門孟氏
所入門名

然而甲

起于琴如

甲公歛處父所帥也琴如地名
二家知出期故于是時起兵

弑不成却

反舍于郊皆說然息

說解舍
然猶如

或曰弑千乘之主而不

克

時季氏邑
至千乘

舍此可乎陽虎曰夫孺子得國而已

孺子

謂季氏得國謂
獲免得專國也

如丈夫何

丈夫虎
自謂

賊而曰彼哉彼哉

望見公歛處父師再言
彼哉彼哉者切遽意

趣駕既駕公歛處父帥師而

至懂然後得免自是走之晉寶者何璋判白

判半也
半珪曰

璋白藏天子青藏諸侯不言璋言玉者珪璧琮璜璋
五玉盡亡之也傳獨言璋者璋所以郊天尤重也

弓繡質

質拊也言大者力千斤

龜青純

純緣也謂緣甲顙也千歲之龜青顙明于吉凶

經不言龜者

從寶省文

穀梁傳

寶玉者封圭也

始封之圭

大弓者武王之戎弓也周

公受賜藏之魯非其所以與人而與人謂之亡非其所取而取之謂之盜

盜陽虎也家臣賤名氏不見故曰盜寶玉大弓先公分器不能謹守而盜得竊諸公宮魯之無人無政於此極矣

附錄
左傳

鄭駟歛嗣子大叔為政

歛駟乞子子然也為
明年殺鄧析張本



日講春秋解義卷五十八

欽定四庫全書

經部

日講春秋解義卷五十九
六十

詳校官監察御史臣莫瞻菴

給事中臣溫常綬覆勘

覆校官中書臣田尹衡

校對官中書臣袁文邵

謄錄監生臣劉國永

欽定四庫全書

日講春秋解義卷五十九

定公

九年春王正月

附錄左傳

九年春宋公使樂大心盟于晉且逆樂祁之尸

辭僞有疾乃使向巢如晉盟

巢向戌曾孫

且逆子梁之尸

子梁子明謂桐門右師出

子明樂祁子濶右師樂大心子明族父也右師時往

子明舍子明逐使去

曰吾猶衰絰而子擊鐘何也

忿其不逆父喪因責其無

同族之恩

右師曰喪不在此故也既而告人曰已衰經而

生子

已子明也

余何故舍鐘子明聞之怒言于公曰右師

將不利戴氏

樂氏戴公族

不肯適晉將作亂也不然無疾

乃遂桐門右師

遂之在明年終叔孫舍之言

鄭馬歛殺鄧析而用其竹刑

鄧析鄭大夫昭六年子產鑄刑書析別造刑法

書之竹簡故云竹刑

君子謂子然于是不忠

子然馬歛

苟有可以加

于國家者棄其邪可也

加猶益也棄責其邪惡也

靜女之三章

取彤管焉

詩邶風彤管赤管筆女史記事規誨之所執靜女詩三章雖說美女義在彤管記事

爲婦人大法故全篇取之不棄上下之二章也竿旄何以告之取其忠也詩廊

風錄竿旄詩者取其中心願告人以善道也言此二詩皆以一善見采而鄧析不以一善存身故用

其道不棄其人詩云蔽芾甘棠勿翦勿伐召伯所茇

詩召南召伯決訟于蔽芾甘棠之下詩人思之不伐其樹茇草舍也思其人猶愛其樹

况用其道而不恤其人乎子然無以勸能矣傳言子然嗣太

叔爲政鄭所以衰弱

夏四月戊申鄭伯蠆卒蠆公羊作蠆

得寶玉大弓

春秋左傳卷之四

日講春秋解義

二

傳夏陽虎歸寶玉大弓

無益近用而祇為名故歸之

書曰得器用

也凡獲器用曰得

器用謂物之成器可為人用者

得用焉曰獲

謂用器物

以有獲若麟為田獲得為戰獲

六月伐陽關

討陽虎

陽虎使焚萊門

陽關邑門師驚犯之而出奔齊請師以伐魯曰三加必取

之三加兵

齊侯將許之鮑文子諫曰

文子鮑國

臣嘗為隸

于施氏矣

施氏魯大夫成十七年齊人召文子而魯立之于今七十四年文子蓋九十餘矣

未可取也上下猶和衆庶猶睦能事大國

大國晉也而無

天菑若之何取之陽虎欲勤齊師也齊師罷大臣必

多死亡已于是乎奮其詐謀夫陽虎有寵于季氏而將殺季孫以不利魯國而求容焉親富不親仁君焉用之君富于季氏而大于魯國茲陽虎所欲傾覆也魯免其疾而君又收之無乃害乎齊侯執陽虎將東之陽虎願東陽虎欲西奔晉知齊必反已故詐以東爲願乃囚諸西鄙盡借邑人之車鑿其軸麻約而歸之鑿刻也欲絕追者載蔥靈蔥靈輜車前後有蔽寢于其中而逃追而得之囚于齊又以蔥靈逃奔宋遂奔晉適趙氏仲尼曰趙氏其世有亂乎

受亂人故

公羊傳

何以書國寶也喪之書得之書

穀梁傳

其不地何也寶玉大弓在家則羞不目羞也

國之

大寶在家則羞也况陪臣專之于恥甚而不目其地

惡得之得之堤下或曰陽

虎以解衆也

寶玉大弓既竊於盜何以復得蓋陽虎懼魯師將至遺於道路以爲緩追之計耳追者獲之以歸故府故書曰得幸之也且明佚盜也不地未出境也

六月葬鄭獻公

秋齊侯衛侯次于五氏

五氏杜注晉地蓋晉大夫邯鄲午之私邑今直隸邯鄲縣西有

五氏城亦曰寒氏城

左傳秋齊侯伐晉夷儀

爲衛討也

敝無存之父將室之

無存齊人

室之爲取婦

辭以與其弟曰此役也不死反必娶于高國

言欲有功還取貴族之女

先登求自門出死于雷下

闕死于門屋雷下也

東

郭書讓登

登城非人所樂故讓衆使後而已先登

犂彌從之曰子讓而

左我讓而右使登者絕而後下

恐書先下故又謫以讓之下入城也

書

左彌先下書與王猛息

戰記共止息王猛齊人

猛曰我先登書

斂甲曰曩者之難今又難焉

斂甲起欲擊猛

猛笑曰吾從子

如驂之靳

靳車中服馬也外二馬謂之驂少次服後蓋不敢與書爭

晉車千乘在

中牟

救夷儀也中牟杜注滎陽有中牟縣迺遠疑非也正義蕩陰縣西有牟山中牟蓋在山側今河

南湯陰縣西有中牟城在牟山下是其地也

衛侯將如五氏

齊侯在五氏將往助之

卜過之

道過中牟畏晉故卜

龜焦

兆不成

衛侯曰可也衛車當其

半寡人當其半敵矣

衛侯怒晉甚不復顧卜欲以身當五百乘

乃過中牟

中牟人欲伐之衛褚師圍亡在中牟

褚師國衛舊大夫

曰衛

雖小其君在焉未可勝也齊師克城而驕城謂夷儀也其

帥又賤

帥東郭書

遇必敗之不如從齊乃伐齊師敗之

獲齊

車五百乘事見哀十五年

齊侯致禚媚杏于衛

三邑杜注皆齊西界媚當在今禹城

縣杏當在今博平縣

齊侯賞犁彌犁彌辭曰有先登者臣從之

皙幘而衣貍製

皙白也幘齒上皙相值製裘也

公使視東郭書曰乃

夫子也吾貺子公賞東郭書辭曰彼賓旅也

言彌與已若賓

主相讓旅俱進退

乃賞犁彌齊師之在夷儀也齊侯謂夷儀

人曰得敝無存者以五家免

給其五家令常不供役事

乃得其尸

公三褫之

褫衣也比殯三加褫深禮厚之

與之犀軒與直蓋

犀軒以犀皮爲

飾卿之車也直蓋高蓋

而先歸之坐引者以師哭之

停喪車以盡哀也君

方爲位而哭故挽喪者不敢立

親推之三

齊侯自推喪車輪三轉

齊衛伐晉不書伐而書次者蓋二國雖有玩晉之心而晉勢尚彊未敢輕伐聊次五氏以觀其釁故不以伐告其後又次于垂葭又次于渠蒯至哀元年而後伐則其欲有所逞也久矣

秦伯卒

冬葬秦哀公

秦自晉悼以後寢不見於經蓋退保西陲軍旅朝聘之事不交於中國卒葬得書從告也

十年春王三月及齊平

左傳十年春及齊平

平侵齊之怨也時諸侯惟魯從晉至是亦叛列國無盟主矣及者內志也一國所欲故不稱公

夏公會齊侯于夾谷公至自夾谷

夾公羊穀梁作頗夾谷杜注即祝其也地

理志濟南淄川縣西南有甲山亦名夾山一名祝山
上有夾谷臺案淄川去魯甚遠今萊蕪縣有夾谷峪

名勝志以爲萊兵
劫魯侯處意近之

傳左夏公會齊侯于祝其實夾谷孔丘相犂彌言于齊

侯曰孔丘知禮而無勇若使萊人以兵劫魯侯必得

志焉萊人齊滅萊所俘之人齊侯從之孔丘以公退曰士兵之

以兵擊萊人兩君合好而裔夷之俘以兵亂之裔遠也非齊

君所以命諸侯也裔不謀夏夷不亂華俘不干盟兵

不偪好于神爲不祥盟將告神犯之爲不善于德爲愆義于人

爲失禮君必不然齊侯聞之遽辟之辟去萊兵也將盟齊

人加于載書曰齊師出境而不以甲車三百乘從我

者有如此盟如此盟詛之禍孔丘使茲無還揖對曰無還魯大夫

而不反我汶陽之田吾以共命者亦如之要盟不潔故畧不書

齊侯將享公孔丘謂梁丘據曰齊魯之故舊典吾子何

不聞焉事既成矣會事成而又享之是勤執事也且犧

象不出門犧象酒器犧尊象尊也嘉樂不野合嘉樂鐘磬也饗而既

具是棄禮也若其不具用秕稗也秕穀不成者稗草似穀者言享不具

禮穢薄若秕稗

用秕稗君辱棄禮名惡子盍圖之夫享所以

昭德也不昭不如其已也乃不果享

孔子知齊侯懷詐故以禮拒之

齊人來歸鄆謹龜陰之田

陽虎九年以此奔齊經在圍衛下而傳在前者次魯

事鄆謹龜陰杜注三邑皆汶陽田泰山博縣北有龜山陰田在其北也今龜山在新泰縣西南泗水縣東北

穀梁

離會不致

二國會曰離

何爲致也危之也危之則以

地致何也爲危之也其危柰何曰頰谷之會孔子相

焉兩君就壇兩相揖齊人鼓譟而起

羣呼曰譟欲以執

魯君孔子歷階而上不盡一等

階會壇之階

而視歸乎齊

侯曰兩君合好夷狄之民何爲來爲命司馬止之齊

侯逡巡而謝曰寡人之過也退而屬其二三大夫曰

夫人率其君與之行古人之道

屬語也夫人謂孔子

二三子獨

率我而入夷狄之俗何爲罷會齊人使優施舞于魯

君之幕下

優俳施其名也欲嗤笑魯君

孔子曰笑君者罪當死使

司馬行法焉首足異門而出齊人來歸鄆謹龜陰之

田者蓋爲此也因是以見雖有文事必有武備孔子

于頗谷之會見之矣

齊魯相仇始於陽虎至是虎敗孔子與聞國政既已講信修睦而與齊平齊景志在求霸亦欲親魯以爲援遂歡然釋憾會于夾谷成禮而還左氏穀梁載却萊兵索汶陽田事皆欲侈張聖人而不知其陋也夫聖人過化存神從容揖讓暴慢自戢如傳所稱則春秋戰國之士多優爲之而謂孔子出此乎

晉趙鞅帥師圍衛

傳左晉趙鞅圍衛報夷儀也

前年齊爲衛伐晉夷儀

初衛侯伐邯

鄆午于寒氏

邯鄆杜注廣平縣今直隸邯鄆縣西南有故城午晉邯鄆大夫寒氏即五氏也

前年衛人助齊伐五氏

城其西北而守之宵燭

午衆散及晉圍衛

午以徒七十人門于衛西門殺人于門中

衛開門與午鬪

曰

請報寒氏之役涉佗曰夫子則勇矣然我往必不敢

啓門亦以徒七十人旦門焉步左右皆至而立如植

佗先至步行門左右然後其徒皆至而立如植木不動以示整

日中不啓門乃退反

役晉人討衛之叛故曰由涉佗成何于是執涉佗以

求成于衛

援衛侯手故

衛人不許晉人遂殺涉佗成何奔

燕君子曰此之謂棄禮必不鈞

言必見殺不得與人等

詩曰人

而無禮胡不遄死涉佗亦遄矣哉

詩鄘風遄速也

討五氏之次也晉自召陵以後凡用兵書侵以義

之不足以服人也此役書圍以力之不足以服人

也

齊人來歸鄆讎龜陰田

田上穀梁有之字

公羊傳

齊人曷爲來歸運謹龜陰田孔子行乎季孫三

月不違

不言行乎定公者政在季氏

齊人爲是來歸之

取濟西取汶陽言取不言歸以其介大國而得之
故書曰取歸濟西歸謹及闡言歸不言來以其請
之而後得非彼自以歸也此則齊人服義自以地
歸魯非假兵力智計而得之與前後歸田者異故
言來歸

叔孫州仇仲孫何忌帥師圍郕

傳初叔孫成子欲立武叔公若藐固諫曰藐叔孫不

氏之族

可成子立之而卒公南使賊射之不能殺

公南叔孫家臣武叔

之黨射公若

公南爲馬正使公若爲郈宰武叔既定使郈

馬正侯犯殺公若弗能其圉人曰吾以劍過朝公若

必曰誰之劍也吾稱子以告必觀之吾僞固而授之

末則可殺也

圉人武叔之圉人僞爲固陋不知禮者以劍鋒末授之欲因推而殺之使

如之公若曰爾欲吳王我乎

見劍向已逆呵之轉諸殺吳王亦用劍刺之

遂殺公若侯犯以郈叛

武犯以不能副武叔命故叛

武叔懿子圍郈

弗克

秋叔孫州仇仲孫何忌帥師圍郕

郕公羊作費

左傳秋二子及齊師復圍郕弗克叔孫謂郕工師馬赤

曰工師掌工匠之官郕非唯叔孫氏之憂社稷之患也將若

之何對曰臣之業在揚水卒章之四言矣

揚水詩唐風卒章四

言曰我聞有命叔孫稽首

謝其受命

駟赤謂侯犯曰居齊魯之

際而無事必不可矣

無所服事

子盍求事于齊以臨民不

然將叛侯犯從之齊使至駟赤與郕人爲之宣言于

邱中曰

詐為齊使言

侯犯將以邱易于齊齊人將遷邱民

衆兇懼駟赤謂侯犯曰衆言異矣

始不與

子不如易于

齊與其死也猶是邱也而得紓焉何必此

言以邱易取齊邑與

邱無異勝于守邱為叛人所殺

齊人欲以此徇魯必倍與子地且盍

多舍甲于子之門以備不虞侯犯曰諾乃多舍甲焉

侯犯請易于齊齊有司觀邱將至駟赤使周走呼曰

齊師至矣邱人大駭介侯犯之門甲以圍侯犯駟赤

將射之

偽為犯射邱人

侯犯止之曰謀免我侯犯請行許之

許人

四馬

赤先如宿

宿杜注故宿國

侯犯殿每出一門郕人閉

之

開其後門

及郭門止之曰子以叔孫氏之甲出有司若

誅之羣臣懼死駟赤曰叔孫氏之甲有物吾未敢以

出

物識也赤還救侯犯也

犯謂駟赤曰子止而與之數

數甲以相付

四馬赤止而納魯人侯犯奔齊齊人乃致郕

致其名簿也爲下武

叔如齊傳

郕叔孫氏邑書圍則叛可知以二卿伐之自夏至

秋再圍而不克則家臣之彊亦可知矣春秋之始

王室初卑諸侯擅命其後諸侯少怠而大夫傾公室以自張至是家臣復擬其後爭爲叛竊逆道彌甚召禍彌速而春秋以終此天下之勢也

宋樂大心出奔曹

宋公子地出奔陳

地公羊作池

左傳

宋公子地嬖濂富獵

地宋景公弟辰之兄也

十一分其室而

以其五與之

與富獵也

公子地有白馬四公嬖向魋魋欲

之

向魋司馬桓魋也

公取而朱其尾鬣以與之

與向魋

地怒使

其徒扶魑而奪之魑懼將走公閉門而泣之目盡腫

母弟辰曰子分室以與獵也而獨卑魑亦有頗焉子

爲君禮

禮辟君也

不過出竟君必止子公子地出奔陳公

弗止辰爲之請弗聽辰曰是我廷吾兄也

廷欺也

吾以

國人出君誰與處冬母弟辰暨仲佗石彊出奔陳

仲佗

幾子彊褚師段子皆宋卿衆之所望故言國人

冬齊侯衛侯鄭游速會于安甫

安甫公羊作鞏杜注安甫地闕

盟鹹盟沙特相盟耳今則諸國參會益無憚於晉

矣

叔孫州仇如齊

傳武叔聘于齊

謝致邱也傳在辰奔後經書在前從告

齊侯享之曰子

叔孫若使邱在君之他竟寡人何知焉屬與敝邑際

故敢助君憂之

以致邱得叔孫

對曰非寡君之望也所以事

君封疆社稷是

以猶為也

敢以家隸勤君之執事夫不

令之臣天下之所惡也君豈以為寡君賜

言義在討惡也

夾谷之會齊人既歸魯田侯犯奔齊齊又致邱故

卿往謝之

宋公之弟辰暨仲佗石彊出奔陳

暨下公羊穀梁有宋字

宋大夫公子母弟奔者三樂大心以讒奔公子地以向魋之嬖奔辰爲地請畱不許亦以魋奔也仲佗石彊稱暨暨者不得已之辭見脅於辰不能自主也宋公以寵魋故奔其二弟辰以地故自絕於君又率二卿以行佗彊身爲卿佐有君不事而惟辰是從皆罪也一書而竝見矣

十有一年春宋公之弟辰及仲佗石彊公子地自陳入

于蕭以叛

蕭杜注
宋邑

穀梁傳

宋公之弟辰未失其弟也

言未失其
爲弟之道

及仲佗石

彊公子地以尊及卑也自陳陳有奉焉爾入于蕭以
叛入者內弗受也以者不以也叛直叛也

夏四月

秋宋樂大心自曹入于蕭

左傳十一年春宋公母弟辰暨仲佗石彊公子地入于

蕭以叛秋樂大心從之大爲宋患寵向魑故也

出奔陳則稱暨入于蕭以叛則稱及及非不得已之辭得已而不已者也辰雖始禍而佗彊與地果於從逆其罪無別故不稱暨叛人羣聚於蕭而大心自曹入之其從叛可知矣故不書叛

冬及鄭平叔還如鄭涖盟

涖公羊穀梁作莅

左傳冬及鄭平始叛晉也

魯自僖公以來世服於晉及范荀納貨同盟解體

齊張於東鄭衛先往魯及齊平然猶未顯與晉絕也至是魯鄭同盟四國之好成晉遂失諸侯不可復收矣

十有二年春薛伯定卒

夏葬薛襄公

春秋書薛伯卒者三蓋至是晉霸既衰三桓強盛自比於小國邦交始通故赴及而魯必會其葬也不書月日史略之

叔孫州仇帥師墮郈

穀梁傳墮猶取也

衛公孟彊帥師伐曹

左傳十二年夏衛公孟彊伐曹克郊郊杜注曹邑當在今山東曹縣界

還滑羅殿羅衛大夫未出不退于列未出曹竟羅不其御

曰殿而在列其爲無勇乎羅曰與其素厲寧爲無勇

素空也厲猛也言伐小國當如畏者以誘致之

此及十三年再書衛彊伐曹著列國無盟主也彊

衛侯兄縶子縶字公孟故其子以字爲氏

季孫斯仲孫何忌帥師墮費

左傳仲由爲季氏宰將墮三都

仲由子路三都費郈成也強盛將爲國害故欲

毀于是叔孫氏墮郈季氏將墮費公山不狃叔孫輒

帥費人以襲魯

不狃費宰

公與三子入于季氏之宮登武

子之臺費人攻之弗克入及公側

至臺下

仲尼命申句

須樂頎下伐之

二子魯大夫孔

費人北國人追之敗

諸姑蔑

姑蔑魯地括地志在泗水縣東今縣治東南有故城

二子奔齊

二子不狃叔孫

軌
遂墮費

公羊傳

曷爲帥師墮郈帥師墮費孔子行乎季孫三月不違曰家不藏甲邑無百雉之城于是帥師墮郈帥師墮費雉者何五板而堵五堵而雉百雉而城

墮都之事孔子因其機而爲之蓋三家之城其邑將以自利也而家臣憑倚其城數叛而不能制非獨魯患之三家亦患之矣孔子行乎季孫制國以禮謂都城無過百雉適有動乎三家之心於是各

帥其衆自墮其邑絕不疑其害已此固有不言而信不怒而威者矣墮郕以一卿墮費以二卿者費彊於郕故也

秋大雩

冬十月癸亥公會齊侯盟于黃

齊公羊作晉誤

隱六年盟于艾齊魯爲盟之始也而齊霸遂興書以志諸侯之合此盟于黃齊魯爲盟之終也而晉霸遂失書以志諸侯之散此亦春秋之始終也

十有一月丙寅朔日有食之

公至自黃

十有二月公圍成公至自圍成

左傳將墮成公斂處父謂孟孫墮成齊人必至于北門

成在魯北竟故且成孟氏之保障也無成是無孟氏也子僞

不知我將不墮冬十二月公圍成弗克

穀梁傳非國言圍圍成大公也何以致危之也何危

爾邊乎齊也

三家孟氏最弱季叔爲彊費郈已墮而成不墮者
蓋因公斂處父之言覺其不利於已而三家之慮
變矣且費郈之叛存爲叔季之害而公斂在成方
有功於孟氏則孟氏之不肯以師墮也固宜故經
不言三家直書公公行非越境不書至致圍成危
之也

日講春秋解義卷五十九